

籌辦夷務始末

籌辦夷務始末卷之二十

道光二十一年辛丑正月己丑

欽差大臣大學士署兩廣總督琦善奏竊於本月十一日承准
軍機大臣字寄奉

上諭本日據伊里布祁寯藻黃爵滋奏探明夷情各一摺該夷既
稱赴粵聽候查辦自應將定海退還全行起碇南返何以各船
仍在浙省遊奕且聞其築城添礮凌虐居民是該夷面為恭順
性實貪殘著琦善詰問該夷究竟是何意見儻仍驕恣逞刁其
勢萬難就撫務即迅速先行奏聞一面加意羈縻仍遵前旨辦
理等因欽此伏查該夷性實貪殘驕恣逞刁誠如

聖諭萬難就撫。如祁寯藻黃爵滋原奏所稱。使彼失其所恃。威氣日頹。奢心漸斂。然後專意通商。就我禁約等語。茅湖查該夷曾於乾隆五十八年。藉納貢為由。遣該國使臣。聲請准其貨船前赴浙江甯波。珠山及天津等處地方。收泊交易。又請在京城另立一行。收貯貨物。又請給予相近珠山小海島一處。使該國商人在彼停歇。又請撥給附近廣東省城小地方一處。俾得居住該國夷商。或准令澳門居住之人。出入自便各等情。未蒙

允准。是其垂涎已久。奢心早萌。況現經占據定海。意在要求。故不但不自思斂戢。且自探悉戢兵。

諭旨後。一若有恃無恐。更肆譁張。尚未肯專意通商。而澳門羣夷聚處。本屬大洋海面極寬。處處可通。虎門以內。又皆深水。一帆直達省城。拒守實難。又如伊里布片奏所稱。該夷既不能占澳門分地。又不能定海通商。則鉞而走險。勢所必至等語。查澳門已為西洋夷人世居之地。此時若遽欲抽撥。不但使西夷失所。恐致一事未已。一釁又開。且暎夷現仗西洋夷人為之私售貨物。故亦從未有欲分其地之語。雖西夷亦屬狡詐。狼狽為奸。而陽奉陰違。究未顯露桀驁情狀。若將暎夷亦倣照此式。懇

恩另給一島。難保其不築臺建礮。聚夥屯兵。恐尚未必如西夷之

安靜是以孛尚在籌維。但求可已則已。至其船隻。現仍在浙省遊奕。此不獨浙省為然。即粵洋亦時有增添。蓋該夷本蠻夷之國。其現在國王。又係少年弱女。未能約束。任聽頭目用事。而其國惟以貿易為生。即其所謂官途中。亦率多市儈。其船又不必本係師船。祇須於貨船中裝載礮械等物。即可為行軍之用。以是漫遊海上。隨處窺測。此該夷之實在情形也。今自孛於本月初十日。一面具奏。一面備文照覆後。茲於十四日。又接義律回文。任意反覆。詞語益無倫次。妄誕不經。無非以打仗肆其恫喝。並稱交戰後。尚可再商。且又欲將其事諉之夷目伯麥。故另有伯麥文書。

一件。孝以義律本為首禍之人。且其輾轉更替。亦無非意圖。另易一人。又可另生枝節。是以置伯麥來文於不論。仍備文照覆義律。向其反覆開導。並告以交戰後文書例。不接收。斷難轉顏再議。絕其妄念。惟該夷犬羊成性。舉止叵測。現又接水師提督臣關天培來函。據稱瞭見該夷船隻。張挂紅旗。係其舉兵號令。其意果否。止在恫喝。殊難逆料。孝惟有竭力督飭密防。一面遵

旨加意羈縻。謹將孝照會義律底稿錄呈

御覽

照得本月十四日。接據貴公使大臣來文。均已閱悉。惟所

稱

御廷全無誠願了結之心。是貴公使大臣。尚未仰體

大皇帝仁慈之意。蓋設非

大皇帝憐念貴國。何以

特派本大臣爵閣部掌前來查辦。今因貴公使大臣心地明白。且與本大臣爵閣部堂公文往還。從無齟齬。特再為詳晰言之。如來文內開。前任督部堂林鄧褫職一節。謂與貴國無涉。並稱如果承平了結。尚欲求請奏懇

恩宥等語。殊不思林部堂等奉

旨革職。已在貴國前來訴冤之後。

大皇帝以其辦理失當降

旨罷斥。而其所辦者。即係與貴國交涉之事。豈得謂與貴國無預。至於奏

宥之說。此係進退人才。自有

乾斷。非臣下所敢參議。即貴公使大臣求請代表。奏本大臣爵閣部堂。亦斷不敢上陳也。又所稱各如兄弟一節。此指外國與外國而言。若

天朝則來者臣服。不來者亦不强致。各國歷有舊章。不待論也。即貴國來此領事。嗣後不稱諭稟。將來事定。亦須奏明。何莫非

恩出自

上。又如銀款一節。原係本大臣爵閣部堂代為籌措。然非

大皇帝特派前來查辦。又有何人代措如許之多。飲水思源。雖非

奉

旨准給而亦

恩出自

上者也。又本大臣爵閣部堂前日回文內所稱貴公使大臣。前次

公文已允繳還定海之說。係指責公使大臣。十一月二十

四日來文而言。緣貴公使大臣來文內曾有一面具奏請

旨。一面預備撤兵。俟定海統已撤兵。方請開港等語。今貴公使大

臣來文內所稱此間定約具奏自奉到

諭旨後一月以內即可將定海繳還之說係指十一月十九日來文而言此想係一時誤記尚不甚關輕重總之恭順須有實跡勢不能先辦事而後乞

恩前經屢次備文照會想貴公使身為貴國大臣亦必明此事君之大體也至貴公使大臣本年之來原因斷絕貿易乞恩通商今辦理失當之大臣業已奉

旨視職銀款亦經本大臣爵閣部堂代為籌措通商之說亦已允為代奏並准照前請於廣州之外再行奏懇

准給貿易馬頭一處通計已有二處是不但可以照前通商且較

從前之止准在廣州貿易更多一處馬頭則

大皇帝之恩典已較未斷貿易以前為更優而貴國之獲利亦較未斷貿易以前為更饒矣乃貴公使大臣尚不遵依照辦殊不思凡事不外情理

天朝准令外國來此貿易是為

大皇帝懷柔遠人使其得以牟利而

天朝亦有商民若將各處馬頭不論遠近多與外國為市利之場則內地民人又將從何營生若強之使從必至民心不安於貴國商賈又有何益且外國來此貿易祇須生業興發獲利自厚不在馬頭之多寡也即如貴國之人從前止

在廣東通商。利澤未嘗不優。況今允為代表。再給一處。則獲利已益多矣。如謂內地沿海居民。私通交易。固難保其必無。然要知現因貴國來此。求請承平。是以概未禁絕。設其事終於不了。即當查禁。該奸徒等具有身家。亦自然不敢為矣。即或間有漏網。而事屬犯私。既無定章。又無行商。不過零星取攜。其大宗之物。能暢銷乎。況處處查拏。貴國又與何人交易。則甚非求承平圖久遠之計也。至如來文所云。照依兵法辦行。並稱相戰以後。再行商議等語。此誠貴公使大臣之於此事。尚未深思也。蓋本大臣爵閣部堂之來。係因貴國求請承平。是以然費苦心。屢屢相勸。此不

獨為

天朝計亦且為貴國計。蓋貴國前此占據定海。尚在未經訴冤以前。

大皇帝尚可寬容我

朝臣民亦或可原諒。今既已奉

旨查辦。且經本大臣爵閣部堂逐一代為籌措。若貴公使大臣再行滋擾。則明顯不恭不順。彼時眾議沸騰。本大臣爵閣部堂即欲再為貴國籌辦。而勢有不能。所有措給銀款酌准一處馬頭。並照常通商。不用稟諭等事。亦必羣議為非。逆致全歸烏有。且交戰以後。軍民眾目共睹。文書例不接收。

又何能轉顏再議得失易明。惟再詳思之。

硃批。婉轉開示。卿實費盡苦心。但此時勢。斷不能不加征勦。其他概勿論也。

琦善又奏。竊於本日辰刻。將備文照覆。英及該夷船業已張挂紅旗等情。恭摺具奏。後陸續接水師提臣關天培飛報。英夷各船於十五日早間起碇。分股直撲虎門外沙角。大角。兩礮臺。礮火聯絡。折釵環攻。自辰至未。約計夷船共開有千餘礮。我軍奮力回擊。直至未刻。遠見夷人有落海者。適值潮退。該夷船始停礮。現泊沙角。大角。夾間中流。彼此相持。大約次早潮長。必仍開仗。又有火輪船四

隻直撲師船。我兵亦即回攻。無分勝負。該火輪船仍駛去。回泊該夷船邊。各等語。伏查李自到粵後。臺次與該夷回文。均係溫言勸諭。即其所求各款。雖未能飽其無厭之慾。心然亦逐節饒有見許。乃該夷此次於十四日遞到夷書。不候回文。輒於十五日早間直撲礮臺。其桀驁強橫。一至於此。議者猶謂固守藩籬。即足使之自困。或但許通商。即可就我範圍。其言是否足採。難選。

聖明洞鑒。現在該夷既敢先肆滋擾。則釁自彼開。已屬無可藉口。所有前件回文。自不應再行發給。查沙角礮臺。孤懸海外。前恐兵力較單。業經添撥標兵二百名。駐紮東莞之陸。

路提標兵二百名。預備防守。惟大角礮臺。近接南沙山一帶。誠恐該夷繞越山後奔竄。前逃現已飛詢水師提臣。查明如應需添兵。即就距該處較近地方。指定營分移履飭調。一面囑令趕緊多備薪米火藥鐵彈等項。總期足敷數月之用。以便拒守。其虎門係提督駐守處所。並有擘派往協防之潮州鎮總兵李廷鈺。是資商辦。至距省六十里之烏涌口前。已調集舟師。於傍岸安營築壘。並又填石沈船。紮立木筏。以堵竄越。業於本月初四日具摺奏報。現經署督標中軍副將祺壽。水靖營都司崔士亮等。督辦完竣。惟省城貼近城牆。均係居民房屋。礙難開礮。餘亦四面皆河。

無可安營之地。現亦就水中舊有礮臺增兵防守。其有灘面者亦一律安營。俾資水陸兼防。至浙江福建等省。粵已於前月杪察看該夷情形日緊。誠恐別出肆擾。即經分咨兼護閩浙督臣吳文鎔。浙江

欽差大臣伊里布知照。並囑伊里布就近轉咨江蘇省一體密防。琦善又奏。再粵正在繕摺間。適准

欽差大臣伊里布鈔奏知會定海自夷船起碇後。其留浙夷兵防守漸疏。已將礮位等械搬運下船。迨至十一月二十日。復有夷船兩隻自粵回浙。後遂有運械上岸。操兵製器。難保懿律前此在粵稱病回國。不即潛赴定海等語。粵復查誌

律據稱已因病回國。其自粵赴浙。雖海帆迅速。亦須在旬日之外。今夷船於十一月二十日。駛至定海。計其在粵起碇時。總在十一月初十日以前。其時岑甫經到粵。雖經委員前往諸事。尚未論及。果否允其所請。在該夷尚未得知。而乃先已撥船赴浙。其在粵則又備文伴允繳還定海。可見義律詭詐尤甚。先有成心。處處意存欺誑。岑原防其詐。故屢次發給回文。總言一面繳回定海。一面方為代奏乞恩。俟奉到。

諭旨後。始得欽遵照辦。尚未墮其術中。即該夷前日欲求岑親往面談。未准所請。但令行文稟達。該夷又不肯指出欲面談。

者何事。推測其心亦難保不隱懷奸詐。今該夷既欲顯肆猖獗。據稱俟交戰後尚可再商。無非意存要挾。如該夷續有所請。辦理實形棘手。不勝惶懼焦慮。惟望

俯加訓示。俾得悉合機宜。

諭軍機大臣等。昨據琦善馳奏。暎夷現在情形一摺。逆夷日肆猖獗。必應痛加勦洗。該大臣接奉屢次六百里諭旨。所有本省官兵。自己早經調齊布置。湖南各省官兵。正月內亦可陸續到粵。著遵照前旨奮力勦辦。本日又據琦善馳奏。逆夷不候回文。直撲礮臺一摺。據奏逆夷於十五日早間起礮。分隊直撲虎門外沙角大角兩礮臺。又有火輪船四隻。直撲師船。我兵奮力回擊。

無分勝負等語。逆夷要求不遂。朕早料其必須勦辦。此次釁自彼開。尤屬無可藉口。所奏拒守虎門及於烏涌口堵禦。並增兵防守水中礮臺等情。均照所議妥為辦理。沿海各處。本日已由六百里分諭防守矣。又另片奏辦理棘手情形。現在事勢。惟有一力勦除。有何棘手之處。惟在該大臣相機籌辦。俾逆夷早日投首。以伸天討。而建殊勳。即此後逆夷窮蹙乞命。斷不能再邀恩宥。該大臣亦不准代為奏請也。此次該夷受傷落海者。約有若干。內地官兵有無受傷之處。著一併確查具奏。

又

諭前因嘆夷情形桀驁。已飭令耆英等調兵防勦矣。本日據琦善

馳奏該夷不候回文直撲虎門開礮我兵回攻無分勝負等語沿海各省地方必須加意防範著各該將軍督撫等謹遵前旨遴選弁兵防守要隘如有夷船闖入即行相機勦辦不可稍形畏蕙致誤事機

署兩江總督裕謙奏竊臣承准軍機大臣字寄奉

上諭據御史石景芬奏勦辦夷機宜一摺逆夷包藏禍心占據定海江浙沿海隘口悉心籌畫何處必須防守何處可以進勦先事豫籌密為布置並遴選將弁準備鎗礮一俟廣東咨照實在此情形即行相機堵勦兵貴神速計必萬全務須一鼓作氣聚而殲旃儻事前不知籌慮臨時坐失機宜朕惟伊里布裕謙是

問。恐不能當此重咎也。欽此。臣查西洋諸國。惟利是視。但知貿易。無他技能。嘆咭喇本係西洋微賤之國。為各國所役使。迨至

國初。始漸強富。恃其詐力。將各國貿易馬頭。逐漸占據。抽收各國貨稅。以養兵卒。然其為治。仍以資本之多寡。營運之善否。技藝之巧拙。以為進身之階。陞遷之途。並無禮樂刑政。亦不爭城略地。自在廣東通商以來。因見歐羅巴等國。有澳門馬頭。凡有貨物。皆運貯澳門。俟內地行商。前往交易。其往來關稅。皆行商完納。與歐羅巴等國無涉。若該國貨船。則停泊黃埔。自行納稅。既羨歐羅巴等國之得免關

稅又耻出歐羅巴等國之下。垂涎澳門定海廈門等處。欲圖效尤。已非一日。請在內地設立馬頭。亦非一次。今則藉口於斷其貿易。乘我不備。占據定海。以遂其初志。儻不早為收復。則該夷貪詐性成。得步進步。又將顧而之他。是以臣前有乘此天時地利人和。浙江必應速戰。收復定海之議。今該御史所請合力攻勦。洵為破的之論。而所稱修造戰船。買雇民船。與之水戰。臣竊以為尚非萬全之策。蓋彼之船寬有三四五丈不等。長有二三十丈不等。厚有尺餘。較我兵船及閩廣大號商船均大至倍蓰。此不可恃者一也。彼之船布篷鐵鉤機關便利。在大洋之中。行止甚速。

隨處可以寄泊。我之船若蓬木碗。在大洋必須擇地而泊。此不可恃者二也。若欲易造船隻。不特曠日持久。緩不濟急。且無此等木料。此等機巧。即使船能造成。而乏駕駛。此等大船之人。此不可恃者三也。該夷終年在船。與海相習。其占據定海。又逾半年。附近之形勢沙礁。皆已熟悉。我之兵船。向皆晝地而巡。即商民船隻。亦俱各有一定貿易口岸。邊地弗良。此不可恃者四也。彼之礮安於船內。兵亦藏於船內。我施鎗礮。彼有遮護。我之礮設於船頭。兵皆立於船上。彼施鎗礮。我無遮護。此不可恃者五也。有此五不可恃。不得不籌舍水就陸之策。以我之可恃。攻彼之不可恃。

如臣前奏所云四無可慮六不可緩者是也。迨定海既復沿海各省再用御史蔡家珩所陳剋制之法以制之。該夷進退失據。水米無資。未有不窮蹙乞命者。至該御史所指海口內如象山觀海乍浦海門蒲門等處皆係浙江口岸。是否亦可進兵。應由浙江

欽差大臣伊里布相機辦理。其陳錢山雖為江浙門戶而孤懸外洋。四無援應。止可為巡哨之所。不可為駐兵之地。崇明為江蘇至險。蘇松鎮屬水師三千餘名。全標駐紮該處。僅能自固其圍。是以前此督臣伊里布奏派蘇松鎮總兵田松林帶兵前赴浙江。欽奉

諭旨。飭令田松林回守崇明。即預備赴浙之水師二千。亦未調遣。皆因江蘇洋面平行散漫。水師額數不多。祇堪自守。不敷會剿。早在

聖明洞鑒之中。勿庸贅述。總之定海不可不早為收復。而收復之法。非潛師暗渡。守據險要。出奇搗擊。別無善策。沿海各省。舍堅守口岸。多用小船。預備火攻。斷其接濟。亦無良謀。臣業已飛飭各營。挑選精兵三千餘名。又會商將軍佈勒亨。挑選八旗勁兵一千名。勤加操練。以備調遣。一面咨商浙

江

欽差大臣伊里布。一面向赴蘇州省城。等候伊里布回文。至日即

調集官兵選派將備由臣親自帶領馳赴上海寶山會同
提臣陳化成相機辦理以仰副

聖主乂安海寓之至意

諭軍機大臣等裕謙奏戰守機宜一摺據奏收復定海宜潛師暗
渡守據險要出奇擣擊沿海各省宜堅守口岸多用小船豫備
火攻斷其接濟等情已有旨由六百里諭知伊里布矣本日據
琦善馳奏喫夷不候回文兵船直撲虎門礮臺業經降旨令其
相機勦辦並諭知伊里布攻復定海及沿海各處一體備防江
蘇逼近浙江所奏調集官兵選派將備親自帶赴上海寶山會
同提督相機辦理均即照所議迅速辦理並著該署督預為揀

選或提督或總兵一員酌撥兵弁一二千名如浙江有應行接應之處一面飛速調撥一面奏聞

又

論本日據琦善馳奏。噶夷現在情形一摺。逆夷日肆猖獗。膽敢直撲虎門。轟擊礮臺。計惟痛加勦洗。前有旨諭令伊里布不必俟廣東照會。將自粵回浙夷船。及留屯定海逆夷。相機勦辦。該大臣接奉後。自必欽遵辦理。現在鎮海防兵將近萬人。兵力不為不厚。前諭招募水勇。計已趕緊妥辦。現當北風司令之時。該大臣務當一鼓作氣。乘時進發。或潛師暗渡。或據險出奇。相機制勝。克復定海。以奪該夷所恃。萬勿觀望坐失機宜。本日又據裕

謙奏陳戰守機宜。已有旨諭令揀選或提督或總兵一員酌撥兵弁一二千名預備赴浙接應。如必須調遣該大臣即一面檄調一面奏聞。總之兵貴神速。趁此時相機進剿。使之不能首尾相顧。是為至要。該大臣公忠體國。諒能勉副朕望也。琦善摺片。裕謙摺均著鈔給閱看。

庚寅

欽差大臣協辦大學士兩江總督伊里布。浙江巡撫劉韻珂奏。竊暎夷在粵強橫。設經被挫。必又來浙滋擾。防堵之法。不憚精詳。浙省自該夷占據定海以後。即經飭令各地方官。在海口堆貯沙袋。築砌土堡。藉資堵禦。臣伊里布因恐有應

行整頓添建之處。又經委員馳往勘辦。並於附奏歷次查辦緣由摺內。逐細陳明在案。至鎮海縣為全浙門戶。而招寶金雞兩山隔港對峙。又為鎮海藩籬。險要本屬天成。布置尤須嚴密。查招寶山舊有威遠城一座。由來已久。現已屯兵列礮。惟城在山巔。高出海面百丈。僅夷船駛近。我兵之礮。憑高下擊。尚恐不甚得加。臣等會同勘視。擬於山下南首海塗之上。排釘木椿。中留空隙。用竹篾盛貯碎石。量砌為基。上堆沙袋一道。安置礮位。如遇夷船駛近口門。用礮轟擊。無難卻退。又該山西面山脚。與縣城東北角外之糜舌嘴山脚相對。其中空缺之處。名為釣金塘。外臨大海。

業已設有木城。今擬於木城之外。一併照前法堆積沙袋。空隙亦設礮位。使該處多一重障蔽。較為周密。其金雞山業已設兵駐守。並經排列礮位。洵足與招寶山互為犄角。惟該山舊未設有城垣。弁兵無以自衛。現亦擬加築土牆。俾防守者有所依庇。庶不致臨敵驚惶。至於二山之內。即屬內港。前於港口之攔江埠等處。購買商船。沈入港中。港面又排列船隻。以防該夷之衝突。惟沈船尚少。而排列之船。又係浮動之物。誠恐尚難抵禦。現擬於港內暗釘木樁。兩岸沙塗之上。亦將竹篾裝貯碎石。作為礮臺。庶於守險之法。更為完密。已飭令該府縣購料雇夫。趕緊興辦。並令

甯紹台道尚開模督同經理其沙袋土牆均令倍加寬厚以夷礮不能陷入為度。至臣伊里布前此委員赴各海口查勘現亦據勘明稟報惟鎮海所屬穿山所最為緊要該處距定海之道頭僅止五十餘里夷船直可抵口擬添土牆二道又穿山所地南之霏霽所為象山必由之路時有夷船游奕亦擬添土牆一道以資屏蔽此外各處或擬添設礮位或擬建造營房庶防範益昭嚴密臣等亦飭分頭趕辦並因穿山所近接定洋地當要害飭令護理衢州鎮總兵福禧帶兵至彼鎮守以示控制

伊里布又奏竊孝於本月十九二十一等日疊奉

上諭飭令相機勦辦等因。欽此。並將御史石景芬陳奏機宜鈔給閱看。仰見我

皇上兵以義動。攘除奸兇之至意。孝自七月間奉

命抵浙。即將攻勦機宜。遂加籌畫。因該夷已在天津稟訴。

恩准查辦。孝以該夷果能聽受約束。納還定海。無事勞師。實為上策。遂向該夷臺次開導。至十月間。夷船分踪赴粵。遵

旨將鄰省及本省老弱之兵酌量撤回。仍挑選壯健者留營聽用。並恐該夷赴粵之後。反覆詭張。查辦或難了結。勢不能已。於用兵。因思嚴加守衛。斷其接濟之路。時向驚擾。使無休息之時。亦皆制敵機宜。曾經上陳。

聖聽。一面即請添鑄礮位。並密探定海道途。以為出師之計。迨十一月下旬。接有廣東來信。知該夷在粵未能馴順。即將擬撤未遣各兵。仍留防守。及奉到

諭旨。飭粵省預備攻剿。並令李巖加防範。李以定海為該夷所占。如有隙可乘。亦應相機收復。又經奏請飭調皖楚等省勁兵。來浙遣用在案。是李任事以來。無日不作出師之想。特以浙省承平日久。民不知兵。兵不知戰。先宜固守疆圉。方可密圖攻擊。而攻擊之策。仍應遵奉

訓諭。不於深水大洋與之接仗。李與提臣余步雲再四籌商。惟有從間道潛師襲取。方能有濟。查夷船多在縣城南面之道

頭地方停泊。其東西北三面羣山環繞。若翁山、雙髻山、鼓吹山、沈家門山、碇礮隘、岑港山、螺峯寨。統稱舟山。皆係通達縣城之陸路。現惟岑港、沈家門二處有夷船泊守。游巡此外均屬有路可尋。至舟山隔海之山。腹背相裹。各寨皆在層山層海之中。山則極其高大。海則均屬港汊。夷船不能駛入。惟漁艇可以往來。現在密為偵探。海面何處可以潛渡。間道何處可以直入。又暴民恨夷切骨。志切同仇。其義勇可用者若干人。糧餉可撥者若干家。柴草可購者若干船。亦皆密為部署。一俟礮位鑄全。大兵齊集。即挑選精兵。統以膽識俱備之將。但用漁船扮作暴民。出其不意。駛

入山巖。分為兩隊。一隊由北登陸潛進。一隊用小舟裝載柴薪。由僻港轉至道頭。縱火齊發。夷船之在道頭東南者。一經被熱。則西南各船。起碇需時。可以連檣燒燬。而道頭之火既起。城內之夷必驚。我由北登陸潛進之兵。從山上壓下。奮勇截殺。亦可盡殲其衆。其縣城之南。仍調派大兵於隔海施放槍礮。虛張聲勢。則道頭以外之夷船。勢當驚竄。不能復顧縣城。定海即可收復。此等暗為探訪。預擬破敵之謀。惟現在礮尚未齊。兵尚未集。海道猶須確探。愚民猶未深信不疑。成算雖已在胸。相機尚難冒險。是以陽示鎮靜。以期該夷驕惰懈弛。然後乘機下手。至御史石景芬

所奏各情。多係水戰之策。以我所短。攻彼所長。未為得計。其所指餘姚。乍浦。各海口。多非出兵之路。至稱調江省水師。在崇明。陳錢。遙為聲援。今台溫之兵。截其奔路等語。或無虛聲之益。或昧窮寇之迫。應毋庸議。

伊里布又奏。再。前請添鑄八千等斤大礮。已蒙

俞允在案。查鑄造礮位。各項鐵斤。俱可應用。惟紫板鐵。尤為堅韌。前經委員至江蘇採買去後。茲據總理軍需局司道稟稱。紫板鐵。蘇省亦屬稀少。前此浙省製造鐵礮。業經陸續買回六百數十擔。各牙行均已罄盡。委員無從採買。惟查寶浙局現停鼓鑄。局內共存滇銅洋銅一百數十萬斤。並未

需用。若以之鑄礮。既屬便易。又能堅韌。似較妥善。等情。前來。查銅質之堅。遠過於鐵。既無炸裂之虞。且詢之工匠。據云。六千斤之銅礮。足抵八千斤鐵礮之用。是銅礮較鐵礮。更為便利。現在紫板鐵。既採買維艱。而省局存銅。又甚充足。自應先鑄銅礮數十位。以濟急需。已飭令將銅斤趕緊解鎮。鎔鑄。並因聞知閩省礮匠。係告養都司。願得明所教。甚為熟練。該省各礮業。已竣事。又經飛咨護閩浙督臣吳文鎔。將該都司。及教出各礮匠。一併飭令來浙。協同浙匠鑄造。以期迅速完竣。

諭軍機大臣等。本日據伊里布等馳奏。鎮海堵禦事宜一摺。據奏

於招寶山下南首海塗及攔江埠等處釘椿貯石並於相距定海道頭五十里之穿山所等處添建土牆以資屏蔽等情所辦均合機宜著即照議趕緊興築毋稍遲延又據伊里布奏籌備攻勦一摺據奏現已探明路徑密為部署惟礮尚未齊兵尚未集尚難冒險等語廣東現已開仗浙江必應進勦使之首尾不能相顧現在留駐鎮海之兵幾及萬人前據該大臣奏夷船自浙回粵留屯定海夷兵不過三千即續有自粵折回夷船為數諒亦不多當此北風司令之時順天時因地利用人和以順討逆以主逐客以眾擊寡不難一鼓作氣聚而殲旃必待礮兵齊集則逆夷兵礮難保不續有增添設使逆夷先行攻擊豈不讓

彼以先發制人之勢。該大臣既經成算在胸。即當出其不意。迅速進兵。務使定海剋日收復。夷船片帆不返。至所云漁艇密為偵探。暴民猶未深信。總當示以恩信。加之勸賞。志切同仇。自無難一舉成功。朕拭目以待捷音之至也。又另片奏先鑄銅礮數十位。濟急等語。即照所議迅速辦理。

護理閩浙總督吳文鎔奏竊臣接據

欽差大臣琦善咨稱。英夷狡黠異常。求索無厭。屢經派員往與面論。並備文詳晰開導。該夷始終堅執。所請日益增添。其兵目人等。悉以打仗恫喝。誠恐愈縱愈驕。勢不能已。於轟擊現已分別撥兵預備。一經交鋒。恐又必各路滋擾。相應密

速飛咨督率竭力防守務保無虞廈門一帶並須留意等因。伏查該夷狼子野心難於馴服既敢桀驁抗拒自應痛加轟擊以彰

天威。惟閩洋居粵浙之中最為衝要。茲定海尚未克復粵東又須用兵。該夷被創後勢必逃竄入閩。是閩省沿海口岸處處喫重。而廈門為全省咽喉關繫尤要。該處前次防兵僅留二百名。餘皆撤退。臣現在咨行水陸提鎮標營將前此撤回之兵仍應調往協防。散去鄉勇。趕令設法團練。其餘各要口亦酌量添兵戍守。省城鑄就大礮分別解往安放。以資守禦。如廈門一有警報。臣當將巡撫篆務交福建藩司

瑞元護理一面奏

聞。一面馳往泉州督辦。期無疏虞。至現在調兵練勇。行裝口糧。已飭司籌款給發。不致貽誤。仍照例覈實報銷。不許稍涉虛糜。以重款項。

諭軍機大臣等。本日據吳文鎔馳奏。調兵練勇。嚴防海口一摺。逆夷日肆猖獗。疊經飛諭各省海口。加意防範。閩洋居粵浙之中。廈門為咽喉之地。尤關緊要。現據該署督咨行水陸提鎮標營。將前此撤回之兵。仍行調往協防。散去鄉勇。趕緊設法團練。各要口亦酌量添兵戍守。省城鑄就大礮。分別解往安放等語。均著照所議。迅速妥辦。該夷窺伺廈門。疊次滋擾。現在粵省既已

動兵難保不復行竄入。一切堵勦事宜。著顏伯燾。迅即馳往泉
州督辦。其未到任以前。如有警報。即著吳文鎔。親往相機辦理。
辛卯。

欽差大臣大學士署兩廣總督琦善奏。竊。粵前奏。倭夷不候回文。
直擊礮臺師船。尚在彼此相持。無分勝負。係據水師提臣
關天培函報馳奏。旋又接准該提臣函稱。該夷即於本月
十五日。復駛來大小兵船二十餘隻。分攻沙角大角兩礮
臺。礮火較前倍增。直至申時方息。隨查得大角礮臺前面
灰沙礮牆。已被打倒數段。山後圍牆。亦被打塌數處。又打
斷礮耳六位。火藥局被礮打穿。火藥轟發。藥局被燒。並延

燒兵房十四間。打倒兵房三間。該夷又另撥夷兵漢奸約數百名。由大角山後緣山而上。從牆缺處打進礮臺。經陸路官兵打死夷人漢奸十數名。無如眾寡不敵。守臺千總黎志安身受多傷。因恐礮位被其搬去。當督臺兵將好礮十四位推落海內。負傷打出眾夷亦均回船。僅存破爛空臺。此大角礮臺之大畧也。又沙角礮臺於被攻之際。該夷另撥黑夷一千餘名。漢奸數百名。由穿鼻灣登岸。兵船則攻打臺面。黑夷即抄山後攻奪。陸路營壘被飛礮落火。延燒各兵草棚。接仗一時之久。我兵兩面受敵。遂致不支。副將陳連陞守臺千總張清齡俱已陣亡。守備程步韓受傷。

亦重。兵丁死傷過半。礮臺遂為夷目義律所奪。此沙角礮臺之大略也。又守口師船十隻。先經該夷開放火輪船四隻。於是日已刻進攻。已被我師擊退。互有受傷。該火輪船復糾約大小三板船數十隻。續來攻擊。其三板船中。全用烏鎗火箭火礮等械。其火輪船均用空心飛礮。鐵彈打落船中。即行炸裂。子內藏有火藥。炸散焚燒。致我官兵兵丁有被鎗礮擊斃者。有被火燒死燒傷者。船隻亦有被燒燬者。又前雇拖船十二隻。現被搶去二隻。其餘尚未查明。此師船拖船之大概情形也。據該提督臣聲請奏參。從重治罪。又請將該夷前次來文。仍從權再行照覆。藉作緩兵之

計。庶可量為布置等語。李伏查此間水師。兵械技藝。廢弛已久。該夷現在所用飛礮。子內藏放火藥。所至炸裂焚燒。不獨為我軍所無。亦該夷兵械中向所未見。經此次猖獗之後。我師勢必益形氣餒。為今之計。總須先行設法。止住夷兵。俾得再行籌辦。而該夷前日來文內。本有戰後再商之說。李正以該夷如果續有所請。其來文接收與否。頗覺兩難。若如該提督所稱。將前日夷書。仍行從權照覆。而今此情形。已與前日不同。該夷既不候照覆。此間更不值覆。伊前日之文。惟思該夷前日投具夷書後。總應聽候回文。何必輒先滋擾。不若藉此作為詰問之詞。今其將是何意。

見再行登覆。庶此後該夷續有來文。係其稟覆文書。既於國體無傷。或仍得設法羈縻。李甫經備文飭發去後。續准提督臣函稱。十六日辰刻。該夷將擄去營兵何以魁。放回。交其帶致該提督夷書一件。經提督臣答覆後。該夷隨又遞一書。列明請求各款。聲稱聽候於三日內照覆各等情。李隨代提督臣擬具覆夷文稿。寄交繕發。告以李業經行文詰詢。俟該夷登覆再辦。現尚未據回報。至提督臣關天培身膺水師統轄。督率無方。據請奏叅。從重治罪。相應據情具奏。聽候

諭旨。李欽奉

簡派來此查辦夷務。雖正在籌辦之際。該夷不候回文。輒先肆擾。大角沙角兩礮臺亦本係孤懸海外。然不能駕馭帖服。致令占奪礮臺。戕傷兵弁。實深惶懼。相應請

旨將李交部議處。

硃批。逆夷實堪髮指。

諭內閣。琦善奏。英夷攻占礮臺情形一摺。逆夷到粵以後。日肆猖獗。臺經朕嚴諭該省慎密周防。相機勦辦。該文武大員。宜如何妥為布置。本日據琦善馳奏。該處沙角礮臺竟為逆夷占奪。大角礮臺亦被攻破。並有戕傷將弁。搶奪師船之事。可見該署督等。於堵禦各事宜。全未豫行籌備。琦善著交部嚴加議處。仍督

率調到各官兵。奮勇堵擊。迅奏膚功。關天培身任提督。統轄水師。平時既督率無方。臨時又倉皇失措。著先行革去頂帶。仍令戴罪立功。以觀後效。所有傷亡將弁兵丁。著該署督確切查明具奏。

又

諭。我朝撫馭外夷。全以恩義。各國果能恭順。無不曲加優禮。以期共樂昇平。前因西夷鴉片煙流毒日甚。特頒禁令。力挽澆風。惟啖咭喇恃其驕悍。不肯具結。是以降旨絕其貿易。乃並不知愧悔。日肆鴟張。突於上年六月間。乘駕夷船數十隻。直犯定海。占據城池。復於福建。浙江。江蘇。山東。直隸。奉天。各省洋面。任意往

來多方滋擾。該逆夷桀驁不馴。至於此極。原不難整我師旅。悉數殲除。因念該夷投遞書函。自鳴冤抑。不可不為之查究。以示大公。特命大學士琦善。馳赴廣東。據實查辦。儻該夷稍有天良。自應全數赴粵。靜候辦理。乃一半起碇南行。一半仍留定海。是其狡黠情形。已堪髮指。近聞數月以來。姦淫婦女。擄掠資財。建築礮臺。開挖河道。且令偽官出示。諭民納糧。百姓何辜。罹茲荼毒。興言及此。寢饋難安。迨琦善抵粵後。明白開導。仍敢要求無厭。既思索償燬價。又復請給馬頭。朕早料其反覆無常。斷非信義之所能喻。特於年前簡調四川貴州湖南江西各路精兵。前赴廣東。又調湖北湖南安徽各路精兵。前赴浙江。豫備攻剿。茲

據琦善馳奏該逆夷於上年十二月十五日糾約漢奸乘坐多船直逼虎門洋面開礮轟擊傷我官兵並將大角礮臺攻破沙角礮臺占據是其逆天悖理性等犬羊實覆載所難容亦神人所共憤惟有痛加勦洗聚而殲旃方足以彰天討而慰民望現在所調各省勁兵計可趕到著伊里布剋日進兵收復定海以蘇吾民之困並著琦善激勵士卒奮勇直前務使逆夷授首擒逆京師盡法懲治其該夷之醜類從逆之漢奸尤當設法擒拏盡殺乃止至沿海各省洋面疊經降旨嚴密防範著各將軍督撫等加意巡查來則攻擊並曉諭官民人等人思敵愾志切同仇迅奏膚功共膺上賞朕實有厚望焉將此通諭中外知之

諭軍機大臣等。本日據琦善馳奏。逆夷攻占礮臺一摺。前因逆夷日肆猖獗。疊經降旨。妥為準備。相機勦辦。原料其垂涎廣東。已非一日。該大臣身膺重寄。既知該夷情形桀驁。又見該省營務廢弛。自應先事預防。以期有備無患。茲據奏報。逆夷占奪沙角礮臺。並攻破大角礮臺等情。該夷甫於上年十二月十五日。肆逆開礮。兩礮臺均被攻破。可見該省全未準備。實堪痛恨。已明降諭旨。將琦善關天培。分別摘頂嚴議矣。現在逆形顯著。惟有痛加勦洗。以示國威。尚有何情理可喻。已飛飭四川。湖南。貴州。各省官兵。迅即赴粵。並飭江西。將前所謂南贛鎮兵二千名。馳赴接應矣。廣東本省官兵。悉歸該署統轄。現在情形緊急。著

先行分布要隘。按段拒守。毋許再有疏虞。所謂各兵計正月內可以陸續到粵。著即督率將弁奮力勦除。以圖補救。至廣東礮臺。前據鄧廷楨等安設排鍊阻截夷船。此次攻破之大角沙角礮臺。是否即係其處。著琦善一併查明。據實具奏。

又

諭。前因暎夷情形桀驁。必須痛勦。已有旨。令裕謙錢寶琛於江西南贛鎮挑選精兵二千名。聽候調遣。本日據琦善馳奏該逆夷占奪沙角礮臺。並將大角礮臺攻破等語。著裕謙錢寶琛即將前選精兵二千名。派委曾經出師之鎮將備弁統領。迅速啟程。前赴廣東聽候差遣。並嚴飭帶兵之員。沿途妥為約束。毋許滋

擾。

又

諭前因暎夷日肆焚劫。降旨令裕泰等將所派湖南兵一千名。令祥福帶領。四川兵二千名。令張青雲帶領。貴州兵一千名。令段永福帶領。分起赴粵。本日據琦善馳奏。該夷攻破大角礮臺。並將沙角礮臺占奪。夷情猖獗益甚。必須厚集兵力。速加勦滅。所有前派各兵。著湖南四川貴州各督撫。即飭令所派帶領之員。迅速啟程。前往廣東。聽候調用。無稍遲誤。

甲午。

欽差大臣大學士署兩廣總督琦善奏。竊於本月十八日。將暎

夷攻占大角沙角兩礮臺。戕殺官兵等情。恭摺馳奏後。隨連日詳查該夷進兵情形。向其僅專於水戰。今詎料其併設有陸兵。計該夷水戰之具。船隻則大小悉備。火器則遠近兼施。更有所謂飛礮者。子內藏放火藥。所至炸裂焚燒。又有礮內盡屬鐵片。繫於桅頂。高出礮臺之上。能使射入臺中。一經散放。約及數十丈廣遠。而臺內臺外。同時被焚。他如火鎗火箭火罐火毯之類。亦皆遠且準。而為我師之所不及。且兵船非貨船之比。喫水本淺。其小兵船火輪船。更不過數尺之水。即足以資浮送。行捷如飛。路徑循熟。隨處竄越。前督臣林則徐曾備有灌注桐油之草船。以

備火攻。乃前日交仗之時。經守備盧大鈇。開放火船。迎頭
焚燒。夷船未被燒燬。火船已成灰燼。盧大鈇亦經受傷。查
該夷進攻之始。止用中小兵船數隻。排列多礮。魚貫而入。
聯環施放。力量極猛。擊中石牆。即致碎裂飛散。我軍勢不
得不竭力回擊。而該夷無論受傷與否。一面暫先却退。一
面易船復進。旋擊旋退。旋去旋來。循環數次。其船可易。而
礮臺不能易。其礮位則各船皆有。而我軍止有臺內安設
之礮。不但無可更換。亦斷不及更換。且從前所鑄之礮。甚
不精良。現就有斷折者。觀之。其鐵質內土。且未淨。遑問其
他。故連放數次後。礮已發熱。而該夷待我軍兵力疲乏。礮

將炸裂之時。其大號兵船。蜂擁前進。逞志欲為。此其水戰之情形也。至其陸戰之兵。技藝原不甚趨捷。而器械則甚屬淫巧。前日接仗之始。本已被我陸路兵丁。將其擊退。詎意該夷糾約復來。前以漢奸導引。後則載有四輪小車。上駕銅礮。前挽後推。祇須漢奸及挽車之人。少一旁閃。其後即將礮位點放。查此間水師。則廢弛已久。且兵丁亦本由沿海召募。其中並難保無素與該夷通氣之人。而陸路則尚知奮勉。是日副將陳連陞。管帶各兵。亦頗竭力。雖刀矛槍箭。不敵該夷之銛利。而未嘗無可用之人。無如自虎門以至省城一帶。所在皆屬水道。本非陸戰之所。並無空閑。

地面。可以安營立柵。該夷亦自知陸路兵丁。不如水師之良。是以向不登岸。前日我軍設備之處。本止山麓一線之地。原不過患其由後乘虛。是以就此撥防。而該夷亦適如所料。自此而來。其意亦止圖幫奪礮臺。詎料我軍以人禦礮。勢必不敵。將備相率陣亡。而該夷遂得緣梯而上。越入礮臺。此是日陸戰之情形也。至漢奸人面獸心。平日本與居民無異。而臨陣則做造號衣。又與營兵無別。往往溷入軍中。真偽莫辨。又向傳廣東沿海鄉民。有所謂水鬼者。技能伏處水中。足以制夷。今不特訪無其人。又准水師提督臣函稱。十八日丑刻。前設之第一道排鍊。被該夷於水底

暗算。忽然淌去。隨潮外流。經看守弁兵。駕船追撈。致被夷兵擄去面詢。旋據義律聲稱。此係守排弁兵。留之無益。且俟其打平礮臺。即赴省城。再與粵商議。隨將排鍊留佳。兵丁放回。現在各臺人心恍惚。無法可施。囑粵善保省城。無以該提臣為念。各等情。函致前來。似此情形。該夷生長海濱。伏水之技。更其所長。而為粵人之所不及。當此夷情猖獗之時。其前致提臣文內。已妄言三日為期。今又據聲稱打平礮臺。再赴省城商議等語。且自十五日以後。夷船攜帶火器。隨處游奕。致我軍接濟兵糧。亦須加意防維。是其包藏禍心。顯而易見。粵亦初不料該夷之兇悍。與我軍水

師之廢弛。至於此極。伏查外海水師。現已各處分防。內河水師。亦逐一撥守。已無可增調之兵。且礮臺人已充滿。即使有兵。亦復無可安插。故實有戰守兩難之勢。在粵受恩深重。斷不敢稍有顧惜。而特患於

國事無補。現今夷兵環聚沙角。迤西切近虎門。向之出入必由口門者。係指其喫水深重之貨船而言。今則該夷兵船大小兼備。隨處繞越可通。設被其侵占虎門。直達省會。其勢不堪設想。彼時則更形棘手。查該夷前此所指望者。欲圖得外洋寄居之地。如或不能。則請另開港口二處。往來貿易。粵原恐其築臺設礮。聚夥屯兵。貽患將來。是以不敢

苟圖目前之易於結事。遂詳駁其乞地寄居之說。僅先准其奏懇另給貿易馬頭一處。既以杜其得步進步之心。而亦自期其可已則已也。無如由今以觀。該夷必不肯受磨難。其患之在將來者。猶得於歲事後趕緊整飭水師。添置器械。竭數年之心力。尚可以資備豫。而患之在目前者。緩不濟急。實屬措施無從。設或再被猖狂。更將備於何有。昨據該夷致提督文內。妄稱占據沙角。此不過要挾之詞。其意必不在沙角也。查粵東外洋。孤懸之島嶼甚多。此時即仍不准其給地寄居。其桀驁之情已露。勢必內圖進攻。外圖侵占。而此間之水師。拒守尚不能力敵。若欲其於外洋

占得之後。再圖克復。實李所不敢輕言。與其被該夷用強占奪。似不若示我。

皇上寬大之恩。俾知欽感。李遂不揣冒昧。就該夷致提。臣文書發給回文一件。允其代為奏懇。於外洋給予寄寓一所。並以前所云酌添一處馬頭者。原指不准寄寓而言。今既擬奏請給地寄寓。自不應另開港口。同其餘各款。一併分別准駁。仍派通曉夷語之八品銜鮑鵬。持文去後。茲據取到回文。該夷別無他語。惟於廣州一處。仍冀即行開港。李緣恐上殷。

宸廬。謹將現在情形。先行馳奏。仍於發摺後。再將必須俟奏奉

諭旨。方可開港之處。備文照覆該夷。至李現辦緣由。勢處於萬不得已。其祇可暫先羈縻。未能遽事攻勦之故。自撫臣而下。凡司道大員。無不耳聞目擊。眾口同聲。然李辦理此事。雖不敢存遷就之心。究不免有冒妄之跡。如或賴

聖主鴻福。幸得就此蕘事。即請

旨將李從重治罪。斯庸臣不足惜。而眾庶共保生全矣。

琦善又奏。再李正在繕摺間。續訪得暎夷欲於攻擊虎門後。即將各船駛至向來通商之黃埔。擅自貿易等情。李伏查此間水師。本多沿海之人。難保無與夷通氣。且自十五日接仗後。益形渙散。昨提督臣來函所稱各臺人心恍惚。

囑李善保省城。無以該提臣為念。意在言外。其情形已可想見。隨復與撫臣及司道大員。詳細熟籌。余謂此時漢奸充斥。若被夷船駛至黃埔。必有人與之交易。而其時人多勢眾。不特禁之無可禁。且該處相距省垣。止數十里。該夷必益肆橫行。而附城皆居民房屋。現在城上雖設有礮位。而開放則徒轟居民。未能傷及逆夷。設欲先將民房拆毀。則眾生棲止無方。又恐先滋變亂。實有萬難拒守之勢。查定海一邑偏隅。被其據守。半年未能克復。況此間地居省會。城郭倉庫。尤關鄭重。若有不測。轉致有傷大體。而辦理亦更形棘手。自不若籲懇

恩施示以

皇仁浩蕩。有加無已。各等語。李伏思一身之獲咎猶小。而

國計民生。同關休戚者。甚大且遠。李俟發摺後。即將所請廣

州即行開港一節。再行照覆。向其竭力論說。使該夷尚有

一點人心。漸知甦醒。固李萬分之幸。儻仍執迷不悟。再事

狡逞。李林祇得不避重罪。從權辦理。

諭內閣。奕山著授為靖逆將軍。隆文。楊芳。著作為參贊大臣。均頒

給關防。馳驛前赴廣東。勦擒逆夷。

諭軍機大臣等。本日據琦善奏。噴夷占奪礮臺。難於拒守一摺。又

另片奏。籲懇恩施等語。覽奏。十分憤懣。該大臣自因省垣倉庫

重地。復因居民繁多。恐有激變。故為此權宜之計。伴允所請。暫示羈縻。現已降旨。授奕山。為靖逆將軍。隆文。楊芳。為參贊大臣。赴粵。協同勦辦。又添派湖北。四川。貴州。三省兵丁各一千名。迅赴廣東接應。一俟將備到齊。不難整頓戎行。亟籌攻勦。將軍阿精阿。近駐省城。提督郭繼昌。統轄陸路官兵。俱有守禦之責。著該大臣等。趕緊團練兵勇。獎勵士卒。並儲備軍需糧餉。鎗礮火藥。俟奕山等到後。和衷共濟。協力進勦。克復海隅。以伸天討。而建殊勳。萬不可稍有畏葸。致失機宜。

又

諭。本日已明降諭旨。授奕山。為靖逆將軍。隆文。楊芳。為參贊大臣。

馳赴廣東。辦理夷務。並於前調官兵之外。添派湖北。四川。貴州。兵。各一千名。迅赴廣東。聽候調遣矣。現在喫夷情形。甚屬猖獗。楊芳接奉此旨後。著迅即馳驛前往。會同琦善。相度機宜。和衷勦辦。至湖南官兵。前曾降旨調撥一千名。前往廣東。此時計已啟程。現在如應添調若干名。著楊芳酌量派撥。並著遴選得力將弁管帶。隨後前往廣東。以資攻勦。計楊芳到粵。在夾山。陸文之前。如有可乘之機。即迅速進勦。總當一鼓作氣。不必候奕山等到粵。始行攻擊。儻稍存觀望。坐失事機。恐該參贊不能當此重咎也。

又

諭前因勦辦暎夷。有旨諭令該督等挑選精兵。豫備調遣。此時定已陸續啟程。茲據琦善奏。暎夷攻占礮臺。實堪髮指。已特授奕山。為靖逆將軍。陞文。楊芳為參贊大臣。前往廣東勦辦。著裕泰於湖北省再派兵一千名。寶興於四川省再派兵一千名。桂良等於貴州省再派兵一千名。令曾經出師之將弁。迅速管帶前赴廣東。聽候差遣。並嚴飭帶兵之員。沿途毋許滋擾。

署兩江總督裕謙奏。臣承准軍機大臣字寄。奉

上諭。本日據琦善奏。夷情益形桀驁。不可理諭。著再申諭該將軍督撫等。遴選將弁。整理礮械。務當先事預備。勿致臨渴掘井。如該夷再來投遞稟詞。一概拒絕。不准接收。或夷船駛近口岸。即

行開放鎗礮。痛加攻勦等因。欽此。臣查江蘇沿海地方。臣前已

奉 奉 奉 奉

將各屬撿獲礮位。擇要安設。茲又在江甯省城查出三千斤大礮五位。自二千五百斤至一千餘斤礮十七位。自九百斤至六百斤礮一百七十六位。分解崇明寶山及沿海各州縣分別添設。其前請製造撞礮已據具報開工。現飭多集匠役。如法趕辦。不准稍有偷減草率。一俟造有成數。即先分撥沿海地方。以資捍衛。其前飭預備各營兵丁亦擬先派兼署淮安營參將事漕標右營遊擊王永祥署河標右營遊擊黃永清管帶漕河兩標兵各三百名。前赴海口聽候調遣。臣因接准浙江

欽差大臣伊里布來文。知該省業已密備進兵。即徑赴上海寶山。
妥為布置。備有夷船駛近口岸。不論其是否投遞稟詞。即
當欽遵。

訓諭。會同提臣陳化成督令防守官兵。地方文武協力同心。開礮
轟擊。礮礮醜類。仍多備火攻小船。擊捨其杉板小船。杜其
登岸。搶掠接濟。務欲計出萬全。用我所長。擊彼之短。斷不
敢稍涉鹵莽。致負

委任。

硃批。所辦俱妥。相機勉力為之。

乙未。

諭軍機大臣等。昨經降旨。調湖北。四川。貴州兵。各一千名。前赴廣東。聽候差遣。該督撫等接奉後。諒已挑選派員管帶前往。現在粵東征勦逆夷。恐尚不敷調遣。著寶興於四川省。再派兵一千名。裕泰等於湖北。湖南。兩省。各派兵五百名。桂良等於雲南。貴州。兩省。各派兵五百名。仍令曾經出師得力將弁管帶。迅速前赴廣東。聽候奕山。隆文。楊芳差遣。並屢飭帶兵之員。沿途毋許滋擾。

丙申。江南道監察御史黎光曙奏。竊聞攻海寇者。以禦礮為先。禦礮以沙墩土壘為要。去年福建之廈門。浙江之乍浦。用之業有成效。沙墩之法。用麻布口袋盛沙。一兵負一

袋千兵則負千袋。頃刻可堆成大墩。兩墩對立。中置礮位。又橫安一墩。為品字形。以防彼礮之衝擊。兵勇躲在墩後。萬無一失。臣聞夷船攏近廈門時。施放大礮。其礮子洞入沙墩。三尺有奇。至乍浦放礮。其礮子洞入沙墩。一尺有奇。而墩俱巍然無恙。俟彼礮放過。我即可以乘隙攻彼也。土壘之法。掘土上堆。則下自然成濠。兵勇藏身濠中。其布置亦略如沙墩。務須令土常溼。則礮子遇之而陷。是二法者。皆以柔克剛之義。簡易可行。而兵勇膽氣由此而長。若專恃礮臺。而我無禦礮之法。俟彼攻破礮臺。兵眾立潰。彼將乘勢直入矣。逆夷之直逼廣東虎門者。未必不因乎此。去

年夷船駛入天津。窺我虛實。竊恐東南風發。彼將復至。不可不趕緊預備。若更堵禦少疏。其鴟張復何所底止。臣查天津縣屬之大沽河口。甯河縣屬之北塘口。大船乘潮可至。兩處為最要口岸。宜剋期備禦。至滌州。樂亭。烏黎。撫甯。臨榆。豐潤等州縣所屬之各海口。亦宜布置周密。以備不虞。臣聞署直隸督臣訥爾經額有添建礮臺。修築土壩之請。固已先事預防。顧其土壩止以護臺。非以禦礮。礮無資。則人情恒怯。且礮臺不過數處。孰若於沿海之口。並置墩臺之為周備乎。合無仰懇

皇上。飭下該署督兼用沙墩土壩。趁早辦妥。以重防守。而安人心。

抑臣更有請者。籌海全資礮力。而礮位必須多設。始足抵禦。臣聞廈門一隅。設礮至三百一十五尊之多。天津則視廈門為尤重。聞去年廈門攻擊夷船。絡繹施放。擊中者祇四礮。彼即退避不遑。可見倉猝之際。惟礮多則可望其命中。若少則難必其得手。頃

皇上遣員運礮赴津。仰見

聖慮周詳。而臣未知天津舊存之礮可用者。究有若干。如其尚不敷用。更懇

飭運多尊。以期有益無絀。雖聞該署督現擬添鑄礮位。而鑄成必在數月之後。誠恐緩不濟急。惟早為多備。則防堵有資。而

畿輔永固矣。

諭軍機大臣等。御史黎光曙奏。遠籌天津海防一摺。攻寇之法。禦
礮為先。其法用麻布口袋盛沙。每兵各負一袋。堆成兩墩。橫安
一墩。成品字形。兵勇躲在墩後。土壘之法。布置亦略如沙墩。務
須令土常溼。礮子過之而陷。聞上年廈門乍浦二役。用之業有
成效。該夷施放大礮。礮子洞入沙墩。僅止一二尺有奇。果如所
奏。是沙墩土壘。實為禦礮良法。但使堆築得宜。厚至四五尺。使
可捍衛兵勇。令人膽壯。俟該夷勢窮力竭。再令我軍施放大礮。
彼必披靡逃潰。著該署督督率兵勇。照式堆砌。即於試礮之時。
詳加體察。如何變通得力。即如何辦理。前奏稱擬鑄銅礮二十

位諒已興工趕辦。惟天津所屬海口緊要之處甚多。即如灤州樂亭昌黎撫甯臨榆豐潤等州縣所屬之各海口亦宜先事豫防。礮位愈多愈好。如可添置鐵礮。即迅速督匠興造。各按隘口布置周密。以資防禦而壯軍威。該御史摺著鈔給閱看。